

Олна малд үвлзнь белдлгъиг

Ч а н ь г ь а х м н

Ода мал өсклгънә халхд хамгин даалгъврта цаг—малин үвлзнь белдлгънә цаг ирв. Мал өсклгънә зура күцәлгън. үвләр боли эрт-хаврар хөд хургълуллгън, малин шимшүүс икдүллгън—мал үвлзүллгънлә залгълдата биший. Таргън-цадхлнъгар үвләс гарси хөд сән төл, ик ноос өгдгиг оln меднә.

Тегәд республикин колхозмудар боли совхозмудар оlna малд дулан бәәр боли хот белдлгън—өдгә цагт ик гидгчинртә төр болдж гарчана. Болв малин үвлзнь белдлгънә көдлмш республикин кесг райодар зөвәр татугъар кегддж йовна.

Эн джилд Приютненск районд 182 минъгъ гар хөн, 8 минъгън 400 гар бод мал үвлзх зөвтә. Колхозин малин төлә 38 минъгън 698 тонн өвсн белдгдв, эс гидж батлгдсн зуран 91,6 процентнь бел кегддж. Дакад 44 минъгън 593 тонн силос даргдсн бәәнә.

4-ч боли 107-ч номертә совхозмудар боли Кировин нертә колхозд белдгдсн өвснә то авлгъна көдлмш төгсәд уга бәәнә. Болв района гардачнин тоогъар болхла, оlna малд хойр джилдән күрх хот белддж.

Кировин нертә боли «Дружба» колхозмуд Хар газрин идгт малин бәәр боли хот белдлгъән татугъар кеджәнә. Эн колхозмудин гардачнр Хар газрин идгт үвлзх малд, кедү өвсн боли кедү хаша-хаац кергтәгъинь меддж авад уга. Ки-

ровин нертә колхозд ода бийнь кошар боли хөөчнин гер кегдәд уга. «Дружба» колхозд болхла, 28 кошар, хөөчнин 24 гер ясгдәд, кошармуднь цеврлгдәд, хөөчнин гермүдин өөр аргъсн белдгдсн бәәнә.

4-ч номертә совхоз (директорнь үр Киселев) тосхлтин модн уга гиггәд малин хашахаац, хөөчнин гермүд үвлд белдджәхш. Совхозин гардвр зугл сентябрин эклцәр тосхлтин бригад бүрдәдж үвлд белдлгънә көдлмшән эклсн. Района колхозмудар боли совхозмудар бәәри газрин тосхлтин материал — кирпич, хулс белдлгън, дулан хашан эрс кехд солом шахдж тюк келгън муугъар бүрдәгдсн бәәнә.

Увл өргн дор ирв. Болв, Приютненск района колхозмуд боли совхозмуд, сән цаг олзлдж, оlna малдан дулан хаша-хаац, үвлин бәәрднь элвг хот белдлгънә көдлмшиг чанъггәдж, түргәр бүрдәдж йовхш.

Кошармуд боли дулан хаша үвлд белдлгън, малин бәәри үр өвс зөөлгън, түрүн болдж малчнин төлә сән бәәдл-джиргъл бүрдәлгън — партийн боли советск органсин, селәнә эдл-ахун гардачнин гол оныйт бәәх зөвтә. Оlna малд дулан, элвг хотта үвлзнь белдхин төлә кергтә тоотинь цугтагъинь темдглдж кедж күцәдж авх кергтә.

Б. БОЛДЫРЕВ.